



**Republika e Kosovës**  
**Republika Kosova-Republic of Kosovo**  
*Qeveria - Vlada - Government*

Zyra e Kryeministrit –Ured Premijera –Office of the Prime Minister  
Finance, Labor and Transfers  
*Agjencia e Statistikave të Kosovës - Agencija za Statistike Kosova - Kosovo Agency of Statistics*

## **Seria 5: Statistikat Sociale**

# **Niveli i pagave në Kosovë 2023**



Prishtinë, 2024





**Republika e Kosovës**  
**Republika Kosova-Republic of Kosova**  
*Qeveria - Vlada - Government*

Zyra e Kryeministrit –Ured Premijera –Office of the Prime Minister  
Agjencia e Statistikave të Kosovës - Agencija za Statistike Kosova - Kosovo Agency of Statistics

## **Seria 5: Statistikat Sociale**

### **Niveli i pagave në Kosovë 2023**



Prishtinë, 2024

Botues: Agjencioni i Statistikës së Kosovës (ASK)  
Data e botimit: Tetor, 2024  
© Agjencioni i Statistikës së Kosovës  
Riprodhimi autorizohet nëse tregohet burimi.  
Informata të shumta janë në dispozicion në internet,  
ku mund të qaseni përmes ueb-faqes së ASK-së:  
<http://ask.rks-gov.net>

## Hyrje

Ky raport është hartuar në bazë të kërkesës dhe nevojës nga shfrytëzuesit, përfshirë institucionet shtetërore dhe shfrytëzuesit e ndryshëm. Të dhënat e prezantuara në këtë raport janë të dhëna, që do t'u ndihmojë vendimmarrësve në orientimin e politikave të tyre dhe në planifikimin e mënyrave më efektive në mbajtjen dhe motivimin e punonjësve.

Niveli i pagës është një e dhënë e rëndësishme, jo vetëm për organizatat, që e shfrytëzojnë si bazë për të bërë ndryshime (rritje/ulje), por njëherit është edhe tregues shumë i rëndësishëm për investitorët e rinj dhe çelës apo instrument tërheqës për të marrë kandidatë më të mirë.

Kur një organizatë është e përbërë nga njerëz të aftë dhe të motivuar nuk mungojnë edhe sukseset. Strukturat e pagave janë pjesë e domosdoshme e menaxhimit efektiv por janë edhe faktorë bazë dhe shtytës të zhvillimeve. Për qasje më të lehtë të shfrytëzuesëve, në këtë raport është dhënë paga mesatare bruto dhe neto.

Raporti përmban të dhënat për vitin 2023 derisa janë paraqitur të dhënat edhe për vitet 2020 - 2023 si qasje e vazhdueshme. ASK-ja planifikon që ti publikojë rregullisht të dhënat për pagën mesatare në nivelin më të ulët edhe sipas sektorëve ekonomikë.

Ndarja e nivelit të pagave është bërë për tre (3) sektorët si me poshtë:

- Sektorin Publik (Administrata),
- Sektorin Privat, dhe
- Ndërmarrjet publike

Komentet, vërejtjet, sugjerimet dhe propozimet tuaja, lidhur me këtë publikim, janë të mirëseardhura dhe mund të dërgohen në adresën elektronike: [social@rks-gov.net](mailto:social@rks-gov.net)

### Publikimin e përgatitën:

Naime Rexhepi - U.d. e Drejtor i Departamentit të Statistikave Sociale/Popullsisë  
Bujar Hajrizi - U.d. Udhëheqësi i Divizionit të Statistikave Sociale  
Guxim Neziri - Zyrtar i TI-së për RSB-s  
Shpetim Bullatovci - Zyrtar i Tregut të Punës.

Prishtinë, 2024

U.d. i Kryeshefit Ekzekutiv të ASK-së  
Avni Kastrati

## Shkurtesat

---

ARBK	Agjencia e Regjistrimit të Bizneseve të Kosovës
ASK	Agjencia e Statistikave të Kosovës
ATK	Administrata Tatimore e Kosovës
BE	Bashkimi Evropian
BRK	Buxheti i Republikës së Kosovës
ISCO	Klasifikimi Standard Ndërkombëtar i Profesioneve
NACE	Klasifikimi Statistikor i Aktiviteteve Ekonomike
RSB	Regjistri Statistikor i Bizneseve
MFPT	Ministria e Financave Punës dhe Transfereve

## Përmbajtja

---

	Faqe
Hyrje .....	6
Permbajtja .....	7
Definicione.....	8
Burimi i të dhënave dhe metodologjia .....	9
Sektori publik .....	9
Sektori privat.....	9
Ndërmarrjet publike .....	9
Niveli i pagës mesatare në Kosovë .....	10
Paga mesatare sipas sektorëve në Kosovë .....	11
Sektori publik .....	11
Ndërmarrjet publike .....	11
Sektori privat.....	12
Pagat mesatare bruto sipas sektorëve.....	13
Paga mesatare neto sipas sektorëve .....	14
Paga minimale në Kosovë.....	15
Paga mesatare bruto dhe neto sipas aktiviteteve ekonomike.....	15

## Definicione

---

<b>Paga bruto</b>	Të ardhurat bruto të punonjësve, që përfshinë të ardhurat për punën dhe kohën e kaluar në punë, të ardhurat e tjera personale, të përcaktuara me ligj ose me marrëveshje kolektive (shtesat), ose kontratën e punës, në të cilën tatimi mbi të ardhurat personale është zbatuar. Ndryshe, paga bruto është shuma e përgjithshme e pagës pa tatim dhe pa kontributet e zbritura (pension/kursime pensionale, sigurime shëndetësore, etj.).
<b>Paga neto</b>	Pagat neto janë tatimi dhe kontributet e zbritura nga paga bruto.
<b>Spektori publik</b>	Të gjithë të punësuarit, të cilët marrin pagë nga Buxheti i Republikës së Kosovës janë përfshirë në sektorin publik.
<b>Spektori privat</b>	Të gjithë të punësuarit, të cilët punojnë pranë ndërmarrjeve private (bizneset private), për të cilët ndërmarrjet paguajnë taksat dhe kontributet e tyre.
<b>Ndërmarrjet publike</b>	Ndërmarrjet publike përfshijnë të gjitha ndërmarrjet, që janë në pronësi publike, ose janë themeluar me fonde publike, ose sipas ligjit publik dhe nuk janë autoritete publike, ose pjesë të autoriteteve publike.



## Burimi i të dhënave dhe metodologjia

### Sektori publik

**Burimi i të dhënave:** të dhënat për sektorin publik janë nxjerrë nga MF/PT Thesari - Divizioni i Administrimit të Pagesave/Lista e pagesave të pagave për pagën bruto dhe neto.

**Metoda e llogaritjes së pagës mesatare vjetore/sektori publik:** Kalkulimi i pagës mesatare vjetore për sektorin publik është bërë sipas formulës:

$$\bar{x} = \frac{\sum_{i=1}^n x_i}{n} = \frac{x_1 + x_2 + \dots + x_n}{n}$$

- $\bar{x}$  prezanton simbolin për mesataren aritmetike të mostrës
- $n$  është numri total i vrojtimit- elementeve
- $X$  prezanton vlerat individuale
- $\Sigma$  prezanton shumën e përgjithshme të vlerave

### Sektori privat

**Burimi i të dhënave:** për vitin 2023 është Administrata Tatimore e Kosovës derisa në vitet paraprake të dhënat janë nxjerrë nga Regjistri Statistikor i Bizneseve (RSB), që përmban të dhëna për të gjitha ndërmarrjet (publike dhe private), që ushtrojnë aktivitetin ekonomik brenda territorit të Kosovës. Kjo përfshinë të gjithë sektorët ekonomikë sipas Nomenklaturës së Veprimtarive Ekonomike, NACE Rev.2. Nuk përfshinë Administratën Publike, Organizatat Jo-Fitimprurëse dhe Organizatat Ndërkombëtare.

**Burimet për azhurnimin e variablave të RSB-së janë:** Burimet administrative (informacionet nga Agjencia e Regjistrimit të Bizneseve në Kosovë dhe nga Administrata Tatimore e Kosovës), si dhe burimet statistikore (Anketa për Azhurnimin e RSB-së, Anketa Strukturore e Ndërmarrjeve dhe Anketat për Statistikat Afatshkurtra).

### Ndërmarrjet publike

**Burimi i të dhënave:** për vitin 2023 është Administrata Tatimore e Kosovës derisa në vitet paraprake të dhënat për ndërmarrjet publike janë nxjerrë nga Regjistri Statistikor i Bizneseve (RSB), baza e njëjtë si te sektori privat.

## Niveli i pagës mesatare në Kosovë


Paga mesatare mujore bruto për një të punësuar me pagë në Kosovë gjatë vitit 2023 ishte 570 Euro, duke u rritur për 9.4% krahasuar me vitin 2022.

Përderisa paga mesatare mujore neto për një të punësuar me pagë në Kosovë gjatë vitit 2023 ishte 506 Euro, duke u rritur për 13.4% krahasuar me vitin 2022.

**Tab. 1: Niveli i pagës mesatare bruto dhe neto (në Euro), sipas viteve 2020 - 2023**

Viti	Kosovë		Sektori Publik		Ndërmarrjet Publike		Sektori Privat	
	Bruto	Neto	Bruto	Neto	Bruto	Neto	Bruto	Neto
2020	466	416	624	552	769	680	380	342
2021	484	432	612	542	768	680	419	376
2022	521	446	604	536	789	659	473	401
2023	570	506	713	630	789	691	515	459

**Fig. 1: Paga mesatare bruto dhe neto (në Euro) sipas viteve 2020-2023**




## Paga mesatare sipas sektorëve në Kosovë

### Sektori publik

Tek sektori publik vërehet një rritje e konsiderueshme e pagës për rreth 18% krahasuar me vitin paraprak, dhe kjo rritje ka ardhur si rezultat i hyrjes në fuqi të Ligjit për pagat në sektorin publik ( Ligji nr.08/L-19) nga muaji janar 2023.

Paga mesatare mujore bruto për një të punësuar në sektorin publik në vitin 2023 ishte 713 Euro, përderisa paga mesatare neto ishte 630 Euro.


**Fig. 2: Niveli i pagës mesatare bruto dhe neto (në Euro) në sektorin publik, 2020-2023**



### Ndërmarrjet publike

Paga mesatare mujore bruto për një të punësuar në Ndërmarrjet Publike në vitin 2023 ishte 789 Euro derisa paga mesatare neto për një të punësuar në Ndërmarrjet Publike ishte 691 Euro.


**Fig. 3: Niveli i pagës mesatare bruto dhe neto (në Euro) në ndërmarrjet publike, 2020-2023**



### Sektori privat

Paga mesatare mujore bruto për një të punësuar në sektorin privat gjatë vitit 2023 ishte 515 Euro, duke u rritur për 8.9% krahasuar me vitin 2022. Derisa, paga mesatare mujore neto për një të punësuar në sektorin privat ishte 459 Euro duke u rritur për 14.5% krahasuar me vitin 2022.


**Fig. 4: Niveli i pagës mesatare bruto dhe neto (në Euro) në sektorin privat, 2020-2023**



## Pagat mesatare bruto sipas sektorëve

Niveli i pagave më të larta në Kosovë ishte te ndërmarrjet publike. Në vitin 2023 te ndërmarrjet publike, paga mesatare bruto për një të punësuar ishte 789 Euro. Sektori publik, në vitin 2023 kishte një pagë mesatare bruto për një të punësuar 713 Euro. Ndërsa Sektori privat ishte sektori me pagën më të ulët mesatare bruto për një të punësuar me 515 Euro.


**Fig. 5: Niveli i pagave mesatare bruto (në Euro) sipas sektorëve, 2020-2023**



## Paga mesatare neto sipas sektorëve

Te ndërmarrjet publike, paga mesatare neto, për një të punësuar në vitin 2023 ishte 691 Euro. Sektori publik, kishte një pagë mesatare neto për një të punësuar prej 630 Euro. Ndërsa sektori privat, kishte një pagë mesatare neto për një të punësuar prej 459 Euro.

**Fig. 6: Niveli i pagës mesatare neto (në Euro) sipas sektorëve, 2020-2023**



## Paga minimale në Kosovë

Norma e pagës minimale është paga më e ulët e lejuar, zakonisht e rregulluar përmes ligjeve shtetërore. Në Kosovë, aktualisht paga minimale është e kategorizuar në 130 Euro për të punësuarit deri në moshën 35-vjeçare dhe 170 Euro për të punësuarit mbi moshën 35-vjeçare.

**Tab. 2: Raporti i pagës minimale me pagën mesatare bruto dhe neto (në Euro) në Kosovë, 2023**

Grupmosha	Paga minimale	Bruto (%)	Neto (%)
Deri në moshën 35-vjeçare	130	22.81	25.69
Mbi moshën 35-vjeçare	170	29.82	33.60


## Paga mesatare bruto dhe neto sipas aktiviteteve ekonomike

Indikator mjaft i rëndësishëm është edhe paga bruto dhe neto sipas aktiviteteve ekonomike në Kosovë. Aktivitetet ekonomike që ofrojnë pagë mesatare mujore më të lartë janë: Furnizimi me energji elektrike, gaz, avull dhe ajër të kondicionuar (1039 euro bruto dhe 870 Neto) dhe Informim dhe komunikim (974 euro bruto dhe 850 Euro neto), derisa paga më e ulët ishte tek Akomodimi dhe aktivitete të shërbimeve me ushqim (345 euro bruto dhe 312 Euro neto).

**Tab. 3: Paga mesatare (në Euro) sipas aktiviteteve ekonomike në Kosovë, 2023**

Aktivitetet ekonomike		Paga mesatare	
		Bruto	Neto
<b>A</b>	Bujqësi, pylltari dhe peshkatari	346	311
<b>B</b>	Xehetari dhe gurëthyes	623	539
<b>C</b>	Prodhim	451	404
<b>D</b>	Furnizimi me energji elektrike, gaz, avull dhe ajër të kondicionuar	1039	870
<b>E</b>	Furnizim me ujë, kanalizim, menaxhim mbeturinash dhe aktivitete revitalizimi të	605	513
<b>F</b>	Ndërtimtari	476	425
<b>G</b>	Tregtia me shumicë dhe pakicë, riparimi i mjeteve dhe motoçikletave	477	426
<b>H</b>	Transporti dhe magazinimi	462	418
<b>I</b>	Akomodimi dhe aktivitete të shërbimeve me ushqim	345	312
<b>J</b>	Informim dhe komunikim	974	850
<b>K</b>	Aktivitete financiare dhe të sigurimit	571	513
<b>L</b>	Aktivitete të patundshmërisë	502	445
<b>M</b>	Aktivitete profesionale, shkencore dhe teknike	688	607
<b>N</b>	Aktivitete administrative dhe mbështetëse	668	590
<b>O</b>	Administratë publike dhe mbrojtja, sigurimi social i detyrueshëm	743	657
<b>P</b>	Arsim	583	518
<b>Q</b>	Shëndetësi njerëzore dhe aktivitete të punës sociale	719	632
<b>R</b>	Art, zbavitje dhe rekreacion	536	477
<b>S</b>	Aktivitete të shërbimeve tjera	644	545

**Fig. 8: Paga mesatare bruto dhe neto (në Euro) sipas aktiviteteve ekonomike, 2023**





## Agjencia e Statistikave te Kosovës:

### Përshkrim i shkurtër

---

**Agjencia e statistikave të Kosovës** është institucion profesional i cili merret me grumbullimin, përpunimin dhe publikimin e të dhënave zyrtare të statistikave. Si i tillë vepron që nga viti 1948 i cili ka kaluar nëpër disa faza historike, i strukturuar sipas rregullimit shtetëror të asaj kohe.

Më 2 Gusht 1999, Agjencioni ka rifilluar punën e vet profesionale (pas 9 viteve të ndërprerjes të të gjitha shërbimeve statistikore në dëm të interesit të Kosovës), si institucion i pavarur në kuadër të Ministrisë së Administratës Publike. Që nga data 12.12.2011 ky Agjencion vepron në kuadër të Kryeministrisë së Kosovës. Agjencioni financohet nga Buxheti i Republikës së Kosovës por edhe nga donatorët për projekte të veçanta dhe për ndihmë teknike profesionale.

**Agjencia e Statistikave të Kosovës** vepron sipas Ligjit Nr. 04/L-036 i cili ka hyrë në fuqi me 12.12.2011 si dhe Ndryshim Plotësimin e Ligjit Nr. 06/L-058 i cili ka hyrë në fuqi me 17.01.2019. Programi i Statistikave Zyrtare, 2018/2022 është në implementim për zhvillimin e sistemit statistikor në korrelacion me Statistikat e Bashkësisë Evropiane (EUROSTAT-it).

**Agjencia e statistikave të Kosovës** ka këtë strukturë organizative: **Departamentet prodhuese;** *Departamenti i statistikave ekonomike dhe llogarive kombëtare, Departamenti i statistikave të bujqësisë dhe mjedisit, dhe Departamenti i statistikave sociale.* **Departamentet mbështetëse;** *Departamenti i metodologjisë dhe teknologjisë informative, Departamenti për politika, planifikim, koordinim dhe komunikim, Departamentii i Regjistrimit dhe Anketimit si dhe Departamenti i administratës.* **Ne kuadër të Agjencionit veprojnë edhe; Zyrat Rajonale;** Gjakovë, Gjilan, Mitrovicë, Pejë, Prizren, Prishtinë, dhe Ferizaj.

Të punësuar janë gjithsej 156 punëtorë, prej tyre, 115 në seli të Agjencionit, gjersa në Zyrat Rajonale, 41 Agjencioni ka këtë strukturë kualifikuese, 123 me shkollim universitar, 15 me shkollim të lartë, ndërsa 18 me shkollim të mesëm.

Kemi bashkëpunim profesional dhe teknik me të gjitha Ministrinë e Qeverisë së Kosovës, sidomos me Ministrinë e Ekonomisë dhe Financave, Bankën Qendrore të Kosovës, me institucionet ndërkombëtare, EUROSTAT-in, Fondin Monetar Ndërkombëtar, Bankën Botërore, SIDA e Suedisë, DFID, UNFPA, UNDP, UNICEF, dhe me statistikatat e shteteve në rajon.

**Agjencia e Statistikave të Kosovës** mbulon gati krejtësisht territorin e Republikës së Kosovës, duke u organizuar në strukturimin e qarqeve statistikore dhe njësisive raportuese si njësi bazë dhe të vetme në shkallë vendi nga të cilat merr informatat e dorës së parë. Te gjitha anketat e zhvilluara në terren përdorin shtrirjen e mostrës në këto qarqe statistikore por edhe metodologjinë sipas rekomandimeve ndërkombëtare. Gjatë grumbullimit të të dhënave statistikore dhe raporteve nga njësitë raportuese angazhohen; profesionistë, teknikë, administratorë, civilë të zyrave të vendit, regjistruar terreni nga Zyrat Rajonale etj.

Në vitin 2011 është realizuar me sukses projekti i Regjistrimit të Popullsisë Ekonomike Familjar dhe Banesave, ndërsa në vitin 2014 është realizuar po ashtu me sukses Regjistrimi i Bujqësisë. Rezultatet e fituara nga këto regjistrime do të kenë një rol të rëndësishëm për hartimin e Politikave zhvillimore.

**Misioni i Agjencionit;** të përmbush nevojat e shfrytëzuesve me të dhëna statistikore kualitative, objektive, në kohë dhe hapësirë në mënyrë që shfrytëzuesit të kenë bazë të besueshme që të bëjnë analiza të rregullta në interes të planifikimit dhe zhvillimit gjatë hartimit të projekteve në shkallë vendbanimi, komune dhe vendi. Të përkrah institucionet qeveritare, institutet, shkencën, akademinë, bizneset si dhe hulumtuesit e pavarur etj. në mënyrë që t'u sigurojë informata të duhura për vendim-marrësit si dhe përdoruesit tjerë në Kosovë.

- **Adresa:** **AGJENCIA E STATISTIKAVE TË KOSOVËS**  
Rr. "Zenel Salihu", nr. 4, 10000 Prishtinë
  
- **Telefoni:** +383 (0) 38 200 31 129
- **Kryeshefi Ekzekutiv:** +383 (0) 38 200 31 112
- **Fax:** +383 (0) 38 235 033
- **E-mail:** [infoask@rks-gov.net](mailto:infoask@rks-gov.net)
- **Ueb-faqe:** <http://ask.rks-gov.net>